



SHARCI LR.004  
ANSIXINTA HINDISE SHARCIYEEDKA CUNAQABATAYNTA MAALIYADEED EE CAYIMAN

MADAXWEYNAHA J.F.S.,

- MARKUU ARKAY: Qodobka 87<sup>aad</sup>, Faqradda 1<sup>aad</sup> iyo Faqradda 2<sup>aad</sup> ee Dastuurka KMG.
- MARKUU ARKAY: Qodobka 90<sup>aad</sup>, Xarafka "F" ee Dastuurka KMG.
- MARKUU ARKAY: Warqadda Gudoomiyaha Golaha Shacabka XGGSH//B11/23, ku taariikheysan 28/02/2023, kuna saabsan Soo Gudbin Hindise Sharciyeedka Cunaqabataynta Maaliyadeed ee Cayiman.
- MARKUU TIXGELIYAY: Baahida loo qabo in la ansixiyo lana meel-mariyo Sharcigan.

Waxa uu Madaxweynuhu soo saaray sharcigan:

Qodobka 1<sup>aad</sup>

Laga billaabo marka uu Madaxweynuhu saxiixo Sharcigan, waxa si rasmi ah loo oggolaaday Ansixinta Hindise Sharciyeedka Cunaqabataynta Maaliyeed ee Cayiman.

Qodobka 2<sup>aad</sup>

Marka uu Madaxweynaha J.F.S. saxiixo Sharcigan, waxa lagu soo daabici doonaa Faafinta Rasmiga ah ee Jamhuuriyadda Federaalka Soomaaliya.

Muqdisho, 08 Maarso 2023

XAFIISKA MADAXWEYNAHA JFS  
BIXID / SENT  
12 MAR 2023  
BY: liban xasan effali  
SAACAD \_\_\_\_\_ SAXIIX \_\_\_\_\_



Madaxweynaha J. F. S

Mudane Dr. Xasan Sheekh Maxamuud



Tix: XGGSH/ 803 /B11/23: الرقم

Mogadishu, Febraayo 28, 2023 التاريخ

**Ku: Madaxweynaha Jumhuuriyadda Federaalka Soomaaliya**

**Ujeedo: Soo Gudbin Hindise Sharciyeedka  
Cunaqabateynta Maaliyadeed ee Cayiman.**

M.ne Madaxweyne;

Waxaan si waafaqasan Qodobka 82aad Faqaradda 3aad ee Dastuurka KMG halkan kuugu soo gudbinaynaa Nuqulka Rasmiga ah ee Hindise Cunaqabateynta Maaliyadeed ee Cayiman oo Golaha Shacabka iyo Aqalka Sare mid walba gaarkiisa u soo ansixiyey.

Hindise Sharciyeedka Cunaqabateynta Maaliyadeed ee Cayiman wuxuu Golaha Shacabka soo gaaray taariikhdu markay aheyd *Nofeembar 23, 2022* wuxuuna maray dhammaan habraacyada kala duwan ee akhrinta 1aad, 2aad iyo 3aad. Golaha Shacabka wuxuu si waafaqsan Qodobka 82(1)(a) ee Dastuurka KMG ansixiyey hindisahan *Janaayo 14, 2023*, isla *Janaayo 15, 2023*, waxaa loo gudbiyey Golaha Aqalka Sare si ay waajibaadkooda Dastuuriga ah uga gutaan. Golaha Aqalka Sare wuxuu dhankiisa ku ansixiyey isla nuqulkii Golaha Shacabka oo aan waxba laga beddelin si waafaqsan Qodobka 82(2)(a) ee Dastuurka KMG, waxayna dib ugu soo celiyeen Golaha Shacabka *Maarso 1, 2023*

Haddaba, M.ne Madaxweyne, waxaan si waafaqasan Qodobka 90(f) ee Dastuurka KMG kaaga codsanaynaa in aad Hindise Sharciyeedka Cunaqabateynta Maaliyadeed ee Cayiman ku meelmariso Xeer Madaxweyne, si loogu soo saaro Faafinta Rasmiga ah ee Jumhuuriyadda una noqdo sharci, si waafaqsan Qodobbada 84aad iyo 85aad ee Dastuurka Ku-meel-gaarka ah.

Naga Guddoon Salaan Qiimo Badan.

Abdullahi A

**M.ne Cabdullahi Cumar Abshir "Abshirow"**  
**Guddoomiye Ku-xigeenka 2aad ee Golaha Shacabka**



- Og: Ra'iisul Wasaaraha Xukuumada Federaalka.
- Og: Guddoomiyaha Aqalka Sare.
- Og: Garyaqaanka Guud ee Dawladda.
- Og: Hantidhowrka Guud Qaranka.
- Og: Xoghayaha Guud ee Golaha Shacabka.
- Og: Waaxda Shuruucda Golaha Shacabka.

**SHARCIGA CUNAQABATEYNTA  
MAALIYADEED EE CAYIMAN**

**Guddoomiyaha Golaha Shacabka BJFS**

*Kumaran Shabo*

M.ne Sh. Aadan Maxamed Nuur "Madoobe"

**Guddoomiye Ku-xigeenka 1aad Golaha Shacabka BJFS**

*Sadhuji*

Marwo Sacdiya Yaasin Xaaji Samatar

**Guddoomiye Ku-xigeenka 2aad Golaha Shacabka BJFS**

*Abdullahi A*

M.ne Cabdullahi Cumar Abshir "Abshirow"



Jamhuriyada Federaalka Soomaaliya  
Aqalka Sare  
Xafiiska Guddoomiye ku  
Xigeenka Koowaad



جمهورية الصومال الفيدرالية  
مجلس الشيوخ  
مكتب نائب الرئيس الأول

Federal Republic of Somalia  
The Upper House  
Office of The First Deputy Speaker

Ref: XGK1/1/18/2023

Taariikh: 28/02/2023

- ✓ Ku:- Guddoomiyaha Golaha Shacabka BFS  
Og:- Guddiga Dhaqaalaha Maaliyadda Aqalka Sare  
Og:- Wasaaradda Maaliyadda J.F.S.  
Og:- Xafiiska Garyaqaanka Guud ee Dowladda  
Og:- Madaxweynaha Jamhuuriyadda Federaalka Soomaaliya

=Muqdisho=  
=muqdisho=  
=Muqdisho=  
=Muqdisho=  
=Muqdisho=

Ujeeddo:

Soo Gudbin Qaraar Gole (Ansixinta Sharciga Cunaqabateynta Maaliyadeed ee Cayiman)

Mudane Guddoomiye,

Salaan diirran kadib, waxaan kuu soo gudbinayaa Qaraarka Golaha Aqalka Sare ee Baarlamaanka Federaalka Soomaaliya ee tirsigiisu yahay Tix: GAS/B-11/KF2/4/2023 kuna taariikheysan 28 Febberaayo 2023 kuna ansixiyay Goluhu Sharciga Cunaqabateynta Maaliyadeed ee Cayiman:

- Waxaa codeeyay: 32 Senatar.
- Waxaa oggolaaday: 16 Senatar.
- Waxaa diiday: 14 Senatar.
- Waxaa ka aamusay: 2 Senatar.

Sidaas darteed, Mudane Guddoomiye, waxaa halkan ku lifaaqan Qaraarka Golaha Aqalka Sare ee kor ku xusan iyo nuqulka sharciga uu Goluhu soo ansixiyay si aad u gudataan waajibka dastuuriga ee la idiin igmaday.

Iga guddoon qadarin.

Sen. Cali Shacbaan Ibraahim  
Ku Xigeenka 1<sup>aad</sup> Aqalka Sare  
Guddoomiyaha Golaha Aqalka Sare  
Baarlamaanka Federaalka Soomaaliya





**ANSIXINTA SHARCIGA CUNAQABATEYNTA  
MAALIYADEED EE CAYIMAN**

Senatarrada Codeeyay	Oggolaaday	Diiday	Ka Aamusay
32	16	14	2

**Guddoomiye Ku-xigeenka Koowaad ee Golaha Aqalka Sare  
Baarlamaanka Federaalka Soomaaliya**

**Sen. Cali Shacbaan Ibrahim**

**Taariikh: 28 Feb, 2023**

**Guddoomiye Ku-xigeenka Labaad ee Golaha Aqalka Sare  
Baarlamaanka Federaalka Soomaaliya**

**Sen. Cabdullaahi Cali Xirsi**

**Taariikh: 28 Feb. 2023**

**Xoghayaha Guud ee Aqalka Sare Baarlamaanka  
Federaalka Soomaaliya**

**Cabdinaasir Ibrahim Guuleed**

**Taariikh: 28 Feb, 2023**

**JAMHUURIYADDA FEDERAALKA SOOMAALIYA**



**GOLAHA AQALKA SARE  
BAARLAMAANKA FEDERAALKA SOOMAALIYA**

**QARAAR GOLE  
ANSIXINTA SHARCIGA CUNAQABATEYNTA MAALIYADEED  
EE CAYIMAN**

Muqdisho,  
28 Feb. 2023

Tix: GAS/B-11/KF2/2/23  
Kalfadhiga 2<sup>aad</sup>  
Kulankiisa 17<sup>aad</sup>

Taariikh: 28 Feb. 2023

**GOLAHA AQALKA SARE EE BAARLAMAANKA FEDERAALKA  
SOOMAALIYA**

**MARKUU AKHRIYAY:**

Sharciga Cunaqabateynta Maaliyadeed ee Cayiman oo ay nuqulkiisii kowaad soo curisay Xukuumadda Federaalka Soomaaliya uuna soo ansixiyay Golaha Shacabka ee Baarlamaanka Federaalka Soomaaliya una soo gudbiyay Golaha Aqalka Sare 17 Jan. 2023 si uu uga guto waajibka dastuuriga ah ee loo igmaday.

**MARKUU ARKAY:**

Qod.82<sup>aad</sup> iyo Qod.83<sup>aad</sup> ee Dastuurka KMG ah iyo Qod.49<sup>aad</sup> iyo Qod.50<sup>aad</sup> ee Xeer Hoosaadka Golaha Aqalka Sare.

**MARKUU ARKAY:**

Qod.61<sup>aad</sup> (1) (3) ee Dastuurka Ku Meel Gaar-ka ah.

**MARKUU TIXGELIYAY:**

Soo jeedinta in Sharciga Cunaqabateynta Maaliyadeed ee Cayiman loo ansixiyo sida uu uga soo gudbay Golaha Shacabka ee B.F.S.

**MARKUU GAROWSADAY:**

In danta guud ee Dalku ku jirto in la meel mariyo Sharciga Cunaqabateynta Maaliyadeed ee Cayiman.

**ISAGA OO KU KULANSAN:**

Kalfadhiga 2<sup>aad</sup>, kulankiisa 17<sup>aad</sup>, oo ay soo xaadireen  
32 Senatar (Soddon iyo laba Senator).


**WUXUU GUDDOONSADAY QODOBADA HOOS KU XUSAN:**

**Qod.1<sup>aad</sup>**

Golaha Aqalka Sare wuxuu cod aqlabiyad leh ku ansixiyay **Sharciga Cunaqabateynta Maaliyadeed ee Cayiman** isaga oo aan waxba ka beddelin.

**Qod.2<sup>aad</sup>**

Qaraarka Golaha Aqalka Sare waxaa loo gudbinayaa Golaha Shacabka ee Baarlamaanka Federaalka Soomaaliya; si uu uga guto waajibka dastuuriga ah ee loo igmaday.



**Sen. Cali Shacbaan Ibraahim**  
**Ku Xigeenka 1<sup>aad</sup> Ahlu Sunna**  
**Guddoomiyaha Golaha Aqalka Sare**  
**Baarlamaanka Federaalka Soomaaliya**



Ref: XGGSH/746 /B-11/23 :الرقم

Mogadishu, February 19, 2023: التاريخ

- Ku: Guddoomiyaha Aqalka Sare.  
Og: Madaxweynaha Jamahuuriyadda Federaalka Soomaaliya.  
Og: Ra'iisal Wasaaraha Xukuumada JFS.  
Og: Wasaaradda Maaliyadda.  
Og: Garyqaanka Guud ee Dawladda.  
Og: Xoghayaha Guud ee Golaha Shacabka.  
Og: Waaxda Shuruucda ee Golaha Shacabka.

**UJEEDO: ANSIXINTA HINDISE SHARCIYEEDKA HAY'ADDA  
SOCDAALKA IYO JINSIYADDA SOOMAALIYEED**

Mudane Guddomiye,  
Mudanayaal,

Waxaan halkaan idinkugu soo gudbinayaa, si aad waajibaadkiina uga gudataan Ansixinta Hindise Sharciyeedka Hay'adda Socdaalka iyo Jinsiyadda Soomaaliyeed. Goluhu wuxuu ku ansixiyay Hindise Sharciyeedkaan kalfadhigiisa 2aad, kulankiisa 20aad taariikhdu markay ahayd 18/02/2023, codayntuna sidaan ayay u dhacaday:

Koramka: 150  
Oggol: 149  
Diiday: 0  
Ka aamustay: 1

Naga guddooma Salaan diiran iyo qadarin gaza

*Abdullahi*

*A*



Xil. Cabdullaahi Cumar Abshirow  
Guddoomiyaha Ku Xigeenka 2aad ee Golaha Shacabka BJFS

**ANSIXINTA HINDISE SHARCIYEEDKA HAY'ADDA  
SOCDAALKA IYO JINSIYADDA SOOMAALIYEED**

Tirada Xubnaha Codeysay=150;  
Oggol: 149;  
Diiday: 0;  
Ka Aamustay: 1;

**Guddoomiye Ku Xigeenka 2aad ee Golaha Shacabka BJFS**

*Abdullahi A*



Xil. Abdullahi Omar Abshir

Tar: 19/02/2023

**Xoghayaha Guud ee Golaha Shacabka BJFS**

*M. Maxamed Cabdullaahi Cabdi*

M.ne Maxamed Cabdullaahi Cabdi - Ciyow

Tar: 19/02/2023



The Federal Republic of Somalia  
Office of the Prime Minister

Tixraac: XRW/0850 /12/2022

Exit / Exit

Taariikh: 08/12/2022

10 DEC 2022

Ku: Guddoonka Golaha Shacabka JFS

XRW

=Muqdisho=

Og: Madaxweynaha Jamhuuriyadda Federaalka Soomaaliya

=Muqdisho=

Ujeedo: Soo Gudbin Hindise Cunaqabataynta Maaliyadeed ee Cayiman

Mudane Guddoomiye,

Iyada oo la tix-raacayo Go'aanka Shirka Golaha Wasiirrada summaddiisuna tahay SHGW.00.14.12.22 ee 08/12/2022, kuna saabsan ansixinta "Hindise sharciyeedka Cunaqabataynta Maaliyadeed ee Cayiman" oo uu Goluhu cod buuxa ku ansixiyey.


Sidaa awgeed, Mudane Guddoomiye, waxa aan halkan idin-kugu soo gudbinaynaa "Hindise sharciyeedka Cunaqabataynta Maaliyadeed ee Cayiman" si aad uga gudataan waajibaadkiina Dastuuriga ah, waxa aan idinka codsanaynaa in aad fududeysaan ansixinta "Hindise sharciyeedka Cunaqabataynta Maaliyadeed ee Cayiman" maadaama baahi weyn loo qabo meel marintiisa.

Naga guddooma salaan diiran iyo qaddarin.

Mudane Xamza Cabdi Barre  
Ra'iisul Wasaaraha Jamhuuriyadda JFS



Hala badiyo  
10/12/2022





The Federal Republic of Somalia  
Office of the Prime Minister

Tixraac:XRW/ 0079 /12/2022

Tariikh: 08/12/2022

Ku: Dhammaan Xubnaha Golaha Wasiirrada =Muqdisho=  
Og: Guddoonka Golaha Shacabka JFS =Muqdisho=  
Og: Madaxweynaha Jamhuuriyadda Federaalka Soomaaliya =Muqdisho=

Ujeedo: Go'aan Gole - Ansixinta "Hindise-sharciyeeka Cunaqabataynta Maaliyadeed ee Cayiman"

Sixid / Ext

Ra'iisul Wasaaraha Xukuumadda JFS;

10 DEC 2022

XRW

Markuu arkay: Qodobka 99<sup>aad</sup> xarfaha (a), (b) iyo (c) ee Dastuurka KMG.

Markuu arkay: Qodobka 100<sup>aad</sup> xarfaha (a) iyo (d) ee Dastuurka KMG.

Markuu arkay: Soo jeedinta Wasiirka Wasaaradda Maaliyadda

Markuu arkay: Go'aanka Shirka Golaha Wasiirrada ee summaddisu tahay SHGW.00.14.12.22 ee 08/12/2022, kuna saabsan ansixinta "Hindise-sharciyeedka Cunaqabataynta Maaliyadeed ee Cayiman" oo uu Goluhu cod buuxa ku ansixiyey.

Markuu tixgeliyey: Muhiimadda Hindise-sharciyeedka Cunaqabataynta Maaliyadeed ee Cayiman.

JAMHUURIYADDA FEDERAALAKA SOOMAALIYA
GOLAH SHACABKA
TAR: 10/12/2022
TIX: 0079
SAXIIX: <i>[Signature]</i>

Wuxuu meel-mariyey:

Qodobka 1<sup>aad</sup>

Go'aanka Shirka Golaha Wasiirrada ee summaddiisu tahay **SHGW.00.14.12.22 ee 08/12/2022**, kuna saabsan ansixinta "**Hindise-sharciyeedka Cunaqabataynta Maaliyadeed ee Cayiman**" oo uu Goluhu cod buuxa ku ansixiyey.

Qodobka 2<sup>aad</sup>

In "**Hindise-sharciyeedka Nidaamka Cunaqabataynta Maaliyadeed ee Cayiman**" si deg-deg ah loogu gudbiyo Golaha Shacabka, si ay uga gutaan waajibaadkooda dastuuriga ah.



**Mudane Xamza Cabdi Barre**  
**Ra'iisul Wasaaraha Xukuumadda JFS**



MOF/OM/683/2022

November 23, 2022

**Ku: Ra'iisul-Wasaaraha Xukuumadda Federaalka Soomaaliya**

**Ujeeddo: Soo Gudbin Sharciyo.**

**Mudane Ra'iisul Wasaare,**

Waxa aan halkan si xushmad iyo qadarin leh kugu soo gudbinaynaa sharcigan hoos ku xusan oo muhiim u ah hannaanka Dawlad Wanaaga iyo Hufnaanta Maaliyadda.

**Hindise Sharciyeedka Cunaqabataynta Maaliyadeed ee Cayiman**

Sidaas darteed, Mudane Ra'iisul Wasaare, waxa aan halkan kugu soo gudbinayaa sharciga sare ku xusan, si looga guto waajidaadka Dastuuriga ah; waxa aan kaa codsanayaa in aad fududeyso meel-marinta sharcigan iyo u gudbinta golayaasha sharci dejinta.

Mudane Ra'iisul-Wasaare, Iga Guddoon Salaan Diiran iyo Qaddarin Mudan.

**Mahadsanid,**



**Dr. Cilmi Maxamuud Nuur**  
Wasiirka Wasaaradda Maaliyadda



**JAMHUURIYADDA FEDERAALKA  
SOOMAALIYA**

**HINDISE SHARCIYEEDKA  
CUNAQABATAYNTA MAALIYADEED EE  
CAYIMAN**



## Tusmo

HORDHAC.....	3
<b>CUTUBKA 1-AAD: MAGACA, UJEEDDADA IYO QEEIXITAANNADA.....</b>	<b>3</b>
Qodobka 1aad: Magaca iyo Baaxadda Sharciga.....	3
Qodobka 2aad: Ujeeddada.....	3
Qodobka 3aad: Qocxitaannada.....	3
Qodobka 4aad: Dembiga Maalgelin Argagixiso.....	4
<b>CUTUBKA 2-AAD: XAYIRAADA MAALIYADDA, ASTEYNTA SHAKHSIYAADKA IYO DIB U EEGISTA ASTEYNTA.....</b>	<b>5</b>
Qodobka 5aad: Waajibaadka Macluumaad Bixinta Sababo Astecyn Darteed Iyo Awoodaha Hay'adaha Kormeerka.....	5
Qodobka 6aad: Aqoonsiga iyo Astecynta Shaqsiyaadka.....	5
Qodobka 7aad: Xayiraada Lacagta iyo Hantida.....	6
Qodobka 8aad: Xaqa Iyo Habka Codsashada Ka Dhanka Ah Astecyn Lasameeyay.....	6
Qodobka 9aad: Dacwadaha Ka Dhanka Ah Astecynta.....	7
<b>CUTUBKA 3-AAD: WAXYAABAHA REEBAN, KORMEERKA IYO CIQAABAHA.....</b>	<b>7</b>
Qodobka 10aad: Lacagaha Ama Hantida Ka-Reeban Xayiraadda Sababo Bini'aadannimo Darteed.....	7
Qodobka 11aad: Hay'addaha Dabagalka iyo Kormeerka.....	7
Qodobka 12aad: Ciqaabaha.....	8
<b>CUTUBKA 4-AAD: DHAQAN-GALKA SHARCIGAN.....</b>	<b>8</b>
Qodobka 13aad: Xeer-nidaamiye-Yaasha Loogu Talagalay Dhaqangelinta Sharcigan.....	8
Qodobka 14aad: Habka Soo Saarista Iyo Meelmarinta Xeerarka Dhaqangelinta Sharcigan.....	8
Qodobka 15aad: Hay'addaha Masuulka Ka Ah Dhaqan-Gelinta Sharcigan.....	9
Qodobka 16aad: Dhaqan-galka Sharcigan.....	9



## HORDHAC

Dowladda Federaalka Soomaaliya waxaa ka go'an sidii ay u sugi lahayd bad-qabka dadkeeda iyo hantida dalka, iyadoo ujeeddadu tahay sidii looga hortagi lahaa khataraha ka dhanka ah Muwaadiniinta iyo Shirkadaha Soomaaliyeed, gaar ahaana maalgelinta argagixisada. Iyadoo maanka lagu hayo taas, isla markaana la tixgelinayo go'aammada Qaramada Midoobay ee aan xubinta ka nahay, ayay Dowladdu go'aansatay inay dejiso Sharci iyo Xeerarkii looga baahnaa si loo dhaqan-geliyo istiraatiijiyadda lagu ciribtirayo maalgelinta argagixisada, walibana lagu hirgelin karo go'aammada Qaramada Midoobay ee khuseeya Cunaqabataynta Cayiman ee Maaliyadeed.

Sharcigaan iyo Xeer-nidaamiyaashiisa ka dhalan doono ayaa Dowladda Soomaaliya siin doona dariiqa sharciga ah ee loo marayo marka lagu sameynayo asteyn shirkado ama shakhsiyaad si cunaqabatayn loogu soo rogo.

Intaa waxaa dheer, Sharcigan wuxuu awood u siinayaa Dowladda inay si buuxda u fuliso waajibaadkeeda kaga aaddan go'aammada la xiriiira cunaqabataynta oo ay soo saarto Qaramada Midoobay. Go'aammadan oo ay soo saaraan Golaha Ammaanka ee Qaramada Midoobay ayaa waxaa ka mid ah kuwo looga dan leeyahay in lagu soo rogo cunaqabatayn ka dhan ah shakhsiyaad iyo shirkado cayiman, kuwaas oo ay Qaramada Midoobay u aragto inay ku xad-gudbeen shuruucda caalamiga ah, sidaas darteedna ay khatar ku yihiin nabadka iyo ammaanka caalamka.

### CUTUBKA 1-AAD: MAGACA, UJEEDDADA IYO QEEXITAANNADA

#### Qodobka 1aad:

#### Magaca iyo Baaxadda Sharciga

1. Sharcigan waxaa lagu magacaabaa Sharciga Cunaqabataynta Maaliyadeed ee Cayiman.
2. Sharcigan waxaa lagu dhaqayaa dadka lagu tuhmo maalgelinta argagixisada oo kaliya.

#### Qodobka 2aad:

#### Ujeeddada

1. Ujeedka Sharcigan ayaa ah in Soomaaliya yeclato nidaamyo cunaqabatayn maaliyadeed oo adag oo u oggolaanaya inay hirgeliyo cunaqabataynta gudaha, walibana ay fuliso iyadoo tixgeliyey xubinnimadeed Qaramada Midoobay go'aannada Golaha Ammaanka ee la xiriiira nidaamka cunaqabataynta ee ku aaddan cunaqabataynta iyo la dagaallanka maalgelinta argagixisada.
2. Sharcigani waxa uu dhigayaa habraacyada looga baahanyahay inay u-hoggaansamaan hay'adaha maamulka iyo kuwa kormeerka markii ay u asteynayaan hay'ad ama shaqsi cunaqabatayn maaliyadeed ee cayiman, ku darista ama ka saarista Liiska Shakhsiyaadka La-asteyyay, iyo xayiraad kala noqoshada hanti ama lacag horay loo xayiray.
3. Sharcigani waxa kale oo uu dejiinayaa habraaca cabashada ee ka dhanka ah tillaabooyinka lagu xusay farqada 3aad.

#### Qodobka 3aad:

#### Qeexitaannada

1. Haddii aan si kale loogu qeexin sharcigan gudihiisa, creyadan soo socdaa waxay yeelanayaan macnaha soo socda:



- a. "Shakhsiyaadka la astecyay" waxaa loola jecdaa shaqsiyaad la astecyay iyadoo la raacayo habraaca uu dhigayo Sharcigan iyo xeer-nidaamiyaashiisa taaso u oggolaanaysa Guddiga inuu u astecyo shakhsiyaad sababo cunaqabatayn maaliyadced darteed ama dadka lagu asteeysay Qaraarka Golaha Ammaanka ee Qaramada Midoobay. Shakhsiyaadkaan waxaa ka mid ah (marka laga soo tago shakhsi iyo hay'add shaqsiyad qaanuunced leh), urur kasta ama isu-tag shaqsiyaad.
  - b. "Liiska Shakhsiyaadka La-astecyay" waxaa loola jecdaa liis ay soo diyaariyeen guddiga qaran ee ka hortaga lacag dhiqida iyo maalgelinta argagaxisada, oo ay ku qoran yihiin magacyada hay'adaha iyo shakhsiyaadka loo astecyay si waafaqsan Sharcigan.
  - c. "Qaraarada Golaha Ammaanka ee Qaramada Midoobay" waxaa loola jecdaa qaraar uu ansixiyay Golaha Ammaanka ee Qaramada Midoobay ee la xiriira maalgelinta argagaxisada.
  - d. "Wasaarad" waxaa loola jecdaa Wasaaradda Maaliyadda ee Xukuumadda Jamhuuriyadda Federaalka Soomaaliya.
  - e. "Wasiir" waxaa loola jecdaa Wasiirka Wasaaradda Maaliyadda ee Xukuumadda Jamhuuriyadda Federaalka Soomaaliya.
  - f. "Guddiga" waxaa loola jecda Guddiga Qaran ee la Dagaalanka ka hortaga Lacag Dhaqidda iyo Maalgelinta Argagaxisada. Wuxuuna ka kooban yahay; Wasiirka Maaliyadda oo noqonaya Guddoomiye, Wasiirka Cadaaladda, Xeer Illaaliyaha Guud, Wasiirka Ganacsiga iyo Warshadaha, Wasiirka Amniga Qaranka, Guddoomiyaha Bangiga Dhexe ee Soomaaliya, Agaasimaha Hay'adda Sirdoonka Qaranka, iyo Agaasimaha Xarunta Warbixinnada Maaliyadda oo ah Xoghayaha Guddiga.
  - g. "Hay'adaha Kormeerka" waxaa loola jecdaa Booliiska, Xarunta Warbixinta Maaliyadda (FRC), Hay'adda Sirdoonka iyo Nabadsugidda Qaranka iyo Bangiga Dhexe ee Soomaaliya.
  - h. "Xayiraad" waxaa loola jecdaa ku soo rogidda xayiraad hanti ama lacag si looga hortago in la isticmaalo. Istimaal lacag ama hanti waxaa loola jecda marka la wareejiyo, la sarifo, la iibsho ama la raro.
2. Eray kasta oo kale oo ka dhex muuqda Sharcigan iyo Xeerkasta oo lagu soo saaray si waafaqsan Sharcigan ee lagu qeexay Sharciga Ka Hortagga Lacag Dhaqidda Iyo Maalgelinta Argagaxisada, ee 2016 wuxuu lahaanaya macnaha lagu sheegay Sharcigaas.

#### Qodobka 4aad:

#### Dembiga Maalgelin Argagixiso

1. Sida ku qeexan Qodobka 3aad ee Sharciga Ka Hortagga Lacag Dhaqidda Iyo Maalgelinta Argagaxisada, ee 2016, qof wuxuu galay "dembiga maalgelin argagixiso" haddii, isagoo adeegsanaya hannaan kasta, ha ahaato si toos ah ama si dadban, ugu deeqo ama u uruuriya dhaqaale, ama isku daya sameynta labadaas arrimood, iyada oo ujeeddadu tahay in loo isticmaalo ama ogyahay in loo isticmaalayo guud ahaan ama qayb ahaan ujeeddooyinka hoos ku xusan:
  - a. Si loogu fuliyo fal argagixiso; ama
  - b. Si loogu taageero Shakhsi Argagixiso ah; ama
  - c. Si loogu taageero urur argagixiso; ama
  - d. Maalgelin safar dagaalyahan argagixiso oo ajnebi ah.
2. Dembiga ku xusan faqradda (1) ee Qodobkan waa lagalay:
  - a. Xataa haddii falka argagixiso aanu dhicin ama aan la isku dayin;
  - b. Xataa haddii dhaqaalaha aan loo isticmaalin in lagu galo ama la isku dayo fal argagixiso;
  - c. Iyada oo aan la eegayn dalka ama dhulka falka argagixiso loogu talo galay inuu ka dhaco.
3. Waxaa dembi ah:



- a. In laga qayb qaato iyada oo gacan siin ah dembi ku xusan faqradda (2);
- b. In la abaabulo ama lagu hago cid kalc inay galaan dembi ku xusan faqradda (2); ama
- c. In si ku talagal ah loogu qaaraan darsado si ay u galaan dembiga ku xusan faqradda (2) koox dad ah oo leh, ujjecdo guud marka qaaraankaas loo sameeyo si loo sii kordhiyo dembi ku xusan faqradda (2) ama qaaraanka la sameeyey iyada oo la og yahay in kooxdu ay gelayso dembi ku xusan faqradda (2).

**CUTUBKA 2-AAD:**  
**XAYIRAADA MAALIYADDA, ASTEYNTA SHAKHSIYAADKA IYO DIB**  
**U EEGISTA ASTEYNTA**

**Qodobka 5aad:**

**Waajibaadka Macluumaad Bixinta Sababo Asteeyn Darteed Iyo**  
**Awoodaha Hay'adaha Kormeerka**

1. Guddiga Qaran ee la Dagaalanka Lacag Dhaqidda iyo ka Hortagga Maalgelinta Argagaxisada iyo Hay'adaha Kormeerka, kuna hawlan shaqada aqoonsiga iyo asteeynta ee ku xusan Qodobka 6, waxa ay awood u leeyihiin inay hay'adaha iyo shakhsiyaadka oo dhan ka dalbadaan in ay soo gudbiyaan macluumaadka iyo dukumentiyada gacan ka gaysan kara aqoonsiga iyo asteeynta shakhsiyaadka iyo hay'addaha. Marka aan loo soo gudbin macluumaadka ay rabaan, Hay'adaha ku hawlan shaqada aqoonsiga iyo asteeynta waxay raadsanayaan caddeymaha ay u baahanyihiin iyadoo u hoggaansamaya Qodobada Xeerka Habka Ciqaabta Soomaaliyeed ee hagga caddeymaha iyo uruurintooda.
2. Dhammaan Hay'addaha Warbixinnada (Reporting Entities) ee lagu sheegay Qodobka 4-aad ee Sharciga Ka Hortagga Lacag Dhaqidda Iyo Maalgelinta Argagaxisada, waa inay si degdeg ah ugu wargeliyaan Guddiga iyo Hay'adaha Kormeerka, dhammaan macluumaadka la xiriira macaamilaadka maaliyadeed oo dhan haddii ay ka shakiyaan ama ay haystaan sabab macquul ah oo ay uga shakiyaan in macaamilkaas maaliyadeed, ama isku-daygaas macaamilkaas maaliyadeed uu xariir la leeyahay dhaqaale xiriir lach, loo isticmaalaay ama loo isticmaalaayo ama lagu taageerayo argagixiso, falal argagixiso ah ama ururo argagixiso ah.

**Qodobka 6aad:**

**Aqoonsiga iyo Asteeynta Shaqsiyaadka**

1. Guddiga Qaran ee la Dagaalanka Lacag Dhaqidda iyo ka Hortagga Maalgelinta Argagaxisada ayaa mas'uul ka ah usoo jecdinta Golaha Ammaanka ee Qaramada Midoobay inay asteeyaan shakhsiyaad iyo bixinta caddaynta ku filan asteeynta ay soo jecdiyeen, iyada oo loo marayo nidaamka diblomaasiyadeed ee u degsan Wasaaradda Arrimaha Dibadda iyo Iskaashiga Caalamiga ah. Si loo fuliyo hannaanka aqoonsiga iyo asteeynta, waxaa la dejiinayaa xeer-nidaamiye lagu hagaayo habka lagu aqoonsanayo dadka la asteynaayo iyadoo lagu salaynayo shuruuddo la cayimay.
2. Marka ay jiraan sababo maangal ah oo saldhig u noqonkara asteeynta shakhsiyaad ama hay'ad, Guddiga Qaran ee la Dagaalanka Lacag Dhaqidda iyo ka Hortagga Maalgelinta Argagaxisada waa inay go'aankooda ku gaaraan Seddex Meelood Labo (2/3) shaqsiga ama hay'adda soo buuxisay shuruudaha la cayimay, waxayna u idmanyahiin inay si degdeg ah oo wax ku ool ah baaritaan u sameeyaan, go'aana kaga gaaraan muddo bil ah asteeynta. Waxay sidoo kale ka codsanayaan wadamada kale inay asteynaayan ama ay dhaqan galiyaan asteeynta gudaha dalka laga sameeyay kadib markii ay maxkamada sare go'aan kama dambeysa ah ka gaarto asteeynta ama muddada racafaanka ay ka dhammaato shaqsiga ama hay'adda.



3. Marka qof ama hay'ad uu asteeyo Guddiga ama Golaha Ammaanka ee Qaramada Midoobay, waa in isla markiiba la xayiraa lacagta ama hantida shakhsiga iyo hay'adda la asteeyay.
4. Waa in si degdeg ah lagu ogcysiya qofka ama shirkadda la asteeyay:
  - a. Asteeynta lagu sameeyay iyo saameynta ay leedahay; iyo
  - b. Fursada dib-u-ecgista ka furan asteeynta lagu sameeyay iyo cidda ay kala xiriirayaan.
5. Xeer-nidaamiye kasta oo khusceya dhaqangelinta asteeynta waa in loo dhaqan-geliyaa si waafaqsan Sharcigan iyo Axdiyada Caalamiga ah oo ay Soomaaliya qayb ka tahay.

### **Qodobka 7aad:**

#### **Xayiraada Lacagta iyo Hantida**

1. Iyadoo loo hoggaansamayo Qodobka 6-aad ee Sharcigan ee khusceya asteeynta shakhsiyaadka;
  - c. Dhammaan shakhsiyaadka ama hay'adaha, oo ay ku jiraan Hay'addaha Warbixinnada (Reporting Entities), waa inay si degdeg ah u xayiraan lacagta iyo hantida shakhsiyaadka la asteeyay iyadoo loo hoggaansamayo Qodobka 6-aad ee Sharcigan;
  - d. Dhammaan shakhsiyaadka jooga iyo hay'addaha kuyaala gudaha dalka Soomaaliya iyo muwadaniinta Soomaaliya waxaa ka mamnuuc ah in ay u oggolaadaan hanti ama lacag ama adeegyada kale ee la xiriira maaliyadda, si toos ah iyo si dadbanba, shakhsiyaad ama hay'addo la asteeyay, iyo waliba shirkadaha ay leeyihiin ama ay xukumaan dadka la asteeyay, si toos ah iyo si dadbanba. Waxaa kaloo mamnuuc ah in ay u oggolaadaan shakhsiyaadka matalayaa, hantida, lacagta ama adeegyada kale ee la xiriira maaliyadda oo ay leeyihiin shakhsiyaadka la asteeyay.
  - e. Tallaabada ku xusan Farqadda 1(b) ee Qodobkan waa in lagu dabaqo lacagta ama hantida lagu qeexay Sharciga Ka Hortaga Lacag Dhaqidda iyo Maalgelinta Argagaxisada, 2016.
2. Waxaa lasoo saaraya xeer-nidaamiye caddeynayaa habraaca xayiraadda hantida iyo lacagaha shakhsiyaadka iyo hay'addaha la asteeyay. Xeer-nidaamiyahaan waa in loo dhaqangeliya si waafaqsan Sharcigan iyo heshiisyada caalamiga ah oo ay Soomaaliya qaybta ka tahay.

### **Qodobka 8aad:**

#### **Xaqa Iyo Habka Codsashada Ka Dhanka Ah Asteyn Lasameeyay**

1. Xilli kasta oo asteyn la sameeyay ay wali dhaqan gal tahay, shaqsigu ama hay'adda la asteeyay:
  - a. Waxa uu ka codsan karaan Guddiga Qaran ee la Dagaalanka Lacag Dhaqidda iyo ka Hortagga Maalgelinta Argagaxisada inay is beddel ku sameeyaan asteynta, ama;
  - b. Inay ka noqdaan asteynta.
2. Haddii codsi ku xusan faqradda 1-aad ee Qodobkan oo la xiriira asteyn lasameeyay lasoo gudbisto, codsi kale lagama soo daba gudbin karo haddii uusan is-beddel ku imaan sababihii loo adeegsaday codsigii hore ama ay jirto arrin muhiim ah oo aan Guddigu hore u tixgelin.
3. Codsiga ku xusan Qodobkan marka lasoo gudbiyo, Guddiga waa inuu go'aan ka gaara in wax laga beddelayo ama laga noqonaayo asteynta ama wax is-beddel ah aan lagu sameeyn muddo bil ah.
4. Haddii ay Guddiga Qaran ee la Dagaalanka Lacag Dhaqidda iyo ka Hortagga Maalgelinta Argagaxisada ay iskood ugu cadaato, ama codsi uu uga yimaado shakhsi ama hay'adda la asteeyay, kuna saabsan in shuruudihii looga baahnaa asteeynta shaqsigu ama hay'addaas aan la buuxin, Guddigu waa inuu u gudbiyaa codsi ka saaris liiska asteeynta guddiga cunaqabataynta Qaramada Midoobay ee ku shaqada leh, haddii asteynta markeedii horaba lasameeyay iyadoo loo hogaansamayo qaraar Qaramada Midoobay. Haddii asteyntu aheyd mid maxalli ah, Guddigu isagoo raacaya habraacyada ka dhashay sharcigan ayuu ka noqonaaya asteynta.



5. Shakhshi ama hay'ad kasta oo hantideeda ama lacagteeda lagu xayiray si waafaqsan Qodobka 7aad, balse magaciisa laga saaray Liiska Shakhsiyaadka La-asteeyay, waxa ay Guddiga ka codsan karaan inuu xayiraada ka qaado hantidooda ama lacagtooda.

#### **Qodobka 9aad:**

#### **Dacwadaha Ka Dhanka Ah Asteeynta**

1. Qofkasta oo la asteeyay, Guddiguna uusan ka qaadin asteeynta markuu codsi u gudbistay kadib, wuxuu Maxkamadda Sare ee Jamhuuriyadda Federaalka Soomaaliya oo keliya ka furan karaa dacwad ka dhan ah go'aamadda uu Guddigu ka gaaray codsigiisa muddo bil ah.
2. Marka ay galeyso dacwadaha ka dhanka ah go'amada Guddiga, Maxkamadda Sare waxay ku koobaysaa dhageysiga dacwadeeda go'aan ka gaarista:
  - a. In asteeynta codsadhaha ay ku dhacday si qalad; ama
  - b. In shuruudaha loo adeegsaday asteeynta ay yihiin kuwa wali dhaqangalka ah.
3. Inta ay ku guda jirto dacwadda, Maxkamadda Sare waa inay tixgelisaa saameynta uu go'aankeedu ku yecelan karo u hoggaansanaanta Dalka iyo waajibaadkiisa caalamiga ah, sida kuwa ka dhasha Qaraarada Golaha Ammaanka ee Qaramada Midoobay ee la xiriira kahortaga maal-gelinta argagixisada.
4. Haddi Maxkamadu ay u caddaato in asteeynta ay u dhacday si qaldan Maxkamadu waxay go'aamineysaa magdhow u dhigma dhibta soo gaarta Shakhsigu ama Hay'adda la asteeyey.
5. Go'aanka Maxkamadda Sare wuxuu noqonayaa kama dambays.

#### **CUTUBKA 3-AAD:**

#### **WAXYAABAHA REEBAN, KORMEERKA IYO CIQAABAHA**

#### **Qodobka 10aad:**

#### **Lacagaha Ama Hantida Ka-Reeban Xayiraadda Sababo Bini'aadannimo Darteed**

1. Marka lacag ama hanti shakhshi ama hay'ada leedahay lagu soo rogaayo xayiraad si waafaqsan Qodobka 6-aad ee Sharcigan ama xeer-nidaamiye-yaashiisa, hantida ama lacagta hoos ku qoran waaka reebantahay xayiraad:
  - a. Lacagaha daruuriga u ah kharashaadka nololaha ee aasaasiga ah, sida midda loogu talagalay in lagu dabbaro kirada, cunnada, caafimaadka, canshuurta, caymiska, kharashaadka waxbarashada, biyaha iyo korontada.
  - b. Lacagaha maangalka ah ee loogu talagalay oo keliya bixinta kharashaadka kaalmooyinka sharciga iyo arrimaha kale ee la xiriira adeegyadaan.
  - c. Lacagaha maangalka ah ee loogu talagalay oo keliya bixinta adeegyada ama khidmooyinka waajibay ee loogu talagalay kccydinta iyo ilaalinta lacagaha ama hantida la xayiray.
2. Waxaa lasoo saaraya Xeer-nidaamiye waafaqsan Sharcigan, kaasoo la jaan qaadi kara nidaamyada Qaramada Midoobay, kaaso jidecynaayay habraaca ay u hogaansamaayan shakhsiyaadka iyo hay'addaha xayiradda lasaaray marka ay isticmaalayaan lacagaha iyo hantida lagu xusay faqradda 1-aad ee Qodobkan.

#### **Qodobka 11aad:**

#### **Hay'addaha Dabagalka iyo Kormeerka**

1. Guddiga iyo Hay'adaha Dabagalka iyo Kormeerka waxay ka dalban karaan warbixin walba oo daruuri ah, oo ay ku jiraan dukumintiyada iyo diiwaanada dhamaan Hay'adaha Warbixinnada (Reporting Entities) si'ay u hubiyaan sida ay hay'addahaasi ugu hoggaansamayaan Sharcigaan iyo Xeer-nidaamiye-yaashiisa. Hay'addaha Warbixinnada (Reporting Entities) waxaa waajib ku ah



- inay siiyaan warbixinnada, dukumintiyada iyo macluumaadka ay hayaan Guddiga, Hay'addaha Dabagalka iyo Kormeerka.
2. Guddigu waa inuu faafiya warbixinnada daruuriga ah oo ay ka mid yihiin liiska asteymaha lasameeyay, liiska asteymaha laga laabtay, liiska cunaqabaateynnada iyo amarada cunaqabateyn ka qaadista, si kor loogu qaado ka warqabka bulshada iyo hay'adaha, muhiimadda ay leedahay u hogaansanaanta Sharcigaan iyo Xeer-nidaamiye-yaashiisa.
  3. Hay'adaha Kormeerka iyo Baarista waxaa waajib ku ah inay ilaaliyaan xogta shaqsiga ama hay'adaha inta maxkamddi go'aan kama dambays ka gaareyso ama muddada codsiga Racafaanka uu dhamaanaya.
  4. Hay'addaha Warbixinnada (Reporting Entities) waxaa waajib ku ah inay dejistaan nidaamyo iyo habraacyo kontorool oo gudaha ah oo waafaqsan Qodobka 17-aad ee Sharciga Ka Hortagga Lacag Dhaqidda iyo Maalgelinta Argagixisada, si'ay u xaqiijiyaan u hogaansanaantooda ku aadan Sharcigan iyo xeer-nidaamiyayaashiisa.
  5. Cidkasta oo is hortaaga hawlaha Guddiga, Hay'addaha Dabagalka iyo Kormeerka ama ka horyimaada inuu la shaqeyo inta ay gudanaayaan hawshooda waxa uu galay denbi, waxaana lagu soo rogayaa ciqaabaha maamul, madani iyo ciqaabeed ee ku haboon ee ku xusnan Qeybta 5-aad ee Sharciga Ka Hortagga Lacag Dhaqidda iyo Maalgelinta Argagixisada.

#### **Qodobka 12aad: Ciqaabaha**

Ku xadgudubka Sharcigan iyo Xeer-nidaamiye-yaashiisa waxaa lagu ciqaabaya si waafaqsan Qodobada 27-aad ilaa 29-aad ee Sharciga Ka Hortagga Lacag Dhaqidda Iyo Maalgelinta Argagixisada ee 2016.

### **CUTUBKA 4-AAD: DHAQAN-GALKA SHARCIGAN**

#### **Qodobka 13aad:**

#### **Xeer-nidaamiye-Yaasha Loogu Talagalay Dhaqangelinta Sharcigan**

- Waxaa lasoo saaraya Xeer-nidaamiye-yaal waafaqsan Sharcigan oo haggaya arrimahaan:
1. Habraaca soo jeedinta asteymaha ka dhalanaaya Qaraarada Golaha Ammaanka ee Qaramada Midoobay ama go'aamadda Dowladda Soomaaliya;
  2. Habraaca xayiraadda hantida iyo lacagaha shaqsiyaadka iyo hay'addaha la asteyyay;
  3. Habraaca ilaalinta xuquuqda garabyada sedexaad ee xayiraaddu taaban karto;
  4. Habraaca uruurinta cadeeymaha iyo warbixinnada loo baahanyahay ee kusaabsan shaqsiyaadka iyo hay'addaha laga leeyahay dano khuseeya Sharcigaan iyo Xeer-nidaamiye-yaashiisa.
  5. Habraaca wax ka bedelista asteymaha iyo xayiraad ka qaadista lacagaha iyo hantida shakhsiyaadka iyo shirkadaha;
  6. Habraaca u oggolaanshaha Shakhsiyaadka iyo Hay'addaha la xayiray hantidooda, sidii ay u isticmaali lahaayeen hantida iyo lacagta ka reeban xayiraada, si waafaqsan Qodobka 9-aad ee Sharcigan.
  7. Nidaamka iyo habraaca hagaaya cabashooyinka ka dhanka ah asteymaha lasameeyay.
  8. Nidaamyada iyo habraacyada kale ee muhiimka u ah dhaqangelinta Sharcigan.

#### **Qodobka 14aad:**

#### **Habka Soo Saarista Iyo Meelmarinta Xeerarka Dhaqangelinta Sharcigan**

1. Wasiirka Maaliyadda oo latashanaaya xubnaha Guddiga Qaran ee la Dagaalanka Lacag Dhaqidda iyo ka Hortagga Maalgelinta Argagixisada ayaa soo saarayaa xeer-nidaamiyayaasha lagu



- xusay sharcigan iyo kuwa kale ee aan la xussin ee lagu dhaqan gelinayo sharcigan isagoo hor geynaya Golaha Wasiirada si ay u ansixiyaan.
2. Xeer-nidaamiyeyasha lagu soo saaro Qodobkan farqadiisa laad, waa in ay waafaqsanaadaan Sharcigan.

#### **Qodobka 15aad:**

#### **Hay'addaha Masuulka Ka Ah Dhaqan-Gelinta Sharcigan**

1. Guddiga Qaran ee la Dagaalanka Lacag Dhaqidda iyo ka Hortagga Maalgelinta Argagaxisada ayaa masuul ka ah korjoogteynta dhagangalka Sharcigan, ka gudoomidda warbixinnada rubuclaha iyo sanadlaha ah ee kusaabsan u hoggaansanaanta Sharcigaan Hay'addaha Dabagalka iyo Kormeerka iyo waliba u gudbinta iyo ka gacansiinta Xeer Ilaaliyaha Guud ee deeynta shakhsiyadka iyo hay'addaha maalgeliya argagaxisada.
2. Hay'addaha Dabagalka iyo Kormeerka ayaa soo saaraya warbixinno rubuclaha iyo sanadlaha ah, oo leh faahfaahinno dhameystiran, kuna saabsan u hoggaansanaanta Sharcigan iyo waliba tallooyin wax ku ool ah oo ku aadan xal u hclidda arrimaha warbixinnada kasoo muuqday.
3. Warbixinnada lagu xussay Faqradda 2-aad ee Qodobkaan waxaa loo Gudbinayaa Guddiga Qaran ee la Dagaalanka Lacag Dhaqidda iyo ka Hortagga Maalgelinta Argagaxisada oo dhaqangelinaya tallooyinka ku xusan warbixinnada.
4. Warbixinnada lagu xussay Faqradda 2-aad ee Qodobkaan waxaa sidoo kale loo gudbinaya Golaha Wasiiradda iyo Labada Aqal ee Baarlamaanka Federaalka Soomaaliya.

#### **Qodobka 16aad:**

#### **Dhaqan-galka Sharcigan**

1. Sharcigani wuxuu dhaqan-gelayaa markii ay ansixiyaan Labada Aqal ee Baarlamaanka Federaalka Soomaaliya, Madaxweynaha Jamhuuriyadda Federaalka saxiixo, laguna soo saaro Faafinta Rasmiga ee Jamhuuriyadda.
2. Haddii qodobo kamid ah Sharcigan iyo kuwa ku jira Sharci ama Xeer kale ay iska horyimaadaan, waxaa lagu dhaqmayaa qodobadda Sharcigan.

